

四庫全書

集部

欽定四庫全書

集部

元詩選二集卷二十三

詳校官中書<sub>臣</sub>王鵬

主事銜<sub>臣</sub>徐以坤覆勘

總校官編修<sub>臣</sub>王燕緒

校對官檢討<sub>臣</sub>溫常綬

謄錄監生<sub>臣</sub>陳璣

欽定四庫全書

元詩選二集卷二十三

庶吉士顧嗣立編

龜巢老人謝應芳

應芳字子蘭武進人為人耿介尚節義至正初  
江浙行省舉三衢清獻書院山長阻兵居吳之  
葑門轉徙吳松江上築室松江之旁教授之暇  
以詩酒自娛洪武初年逾八十歸隱橫山自號  
龜巢老人所著詩文曰龜巢彙子蘭紬繹經史

作為文章咸有根柢閩人張志道評其詩雅正  
純潔可與傳與礪相伯仲識者以為名言門人  
王著嘗請刻其詩子蘭手摘數十篇與之曰龜  
巢摘橐豐城余詮范陽盧熊弁其首次子林字  
璫樹洪武十年以郡府所舉至京師授開封新  
鄭縣學教諭卒所遺詩世未刊行其傳者出朱  
存理鈔本云

登金牛臺

六龍城西呂城東奔

一作金

牛古堰卧兩虹誰築高樓

一作

臺水中汴野有蔓草牛無蹤河邊青苔生白

一作枯

骨刀

創箭瘢猶未沒問知八十一年前戰死當時皆義卒鐵  
馬遁去鎬將軍大家牽羊走燕雲二百山河獻明主北  
駝南象今紛紛登臨且喜得佳客鞠育青青已堪摘浮  
雲世事勿復論一醉西風真上策

呈趙徵士

摘彙題  
作感諷

吳姬手執金巨羅春風笑面生紅渦主人留客長夜飲

客拜主人持酒多主人沈

一作爛

醉客亦醉客散扶歸主

人睡殘杯冷炙厨頭傾鄰家兒有啼饑聲

### 養鶴

西鄰主人翁養鶴如養客專童供鶴料稍慢童受責試  
問鶴何好毛羽喜潔白又能舞蹁躑長鳴振金石客有  
鶴骨清粹然含素德窮居以詩鳴冷面常菜色賦命鶴  
不如可為長太息

### 耕隱為蕭徵士作

蘭陵溪上梅花邨世居齊梁之子孫  
瀕溪沃壤足禾黍教子讀書深閉門  
時人笑渠生理拙渠亦笑人多覆轍  
春來烏犍一犂雨歲晚黃精三尺雪  
有時獨連舞短蓑飯牛別作耕田歌  
長安車馬自塵土奈爾濯足滄浪何  
君不見蘇秦為無田負郭平生不識耕  
田樂奴顏婢膝謁諸侯黃金載多禍隨  
作君今有田兼有書夜親燈火朝犁鉏  
只恐一朝富貴逼人去猿鶴笑人留不  
住

鮮于瑞卿還碧亭

鮮于公子平泉莊有亭翼然水中央天光雲影白日靜  
菱葉荷花清露香柳下繫船魚可釣座中留客酒盈觴  
門前漁浦接洮河白鳥飛去煙蒼茫

送秦彥明

美人木蘭舟春風挂颿去舟輕疾如飛可喜亦可懼浙  
江多風波越山暗煙樹孤月照蓬窗今夜宿何處

代簡蔣成玉

春來一月苦陰雨少頃雨晴邀客嬉金斗城西芳草路

水邊楊柳青離離

邀高則誠郊居小集

別多無那苦相憶  
賴有尺書時往來  
逢人為說烏寶傳  
此客合貯黃金臺  
壯風塵土歲云莫  
南湖水波冰欲開  
扁舟短櫂日相過  
元出西郭看野梅

除夕和諸葛用中韻

盡道王門可曳裾  
青山吾自愛吾廬  
新年且醉屠蘇酒  
舊業重修種植書  
堂上弄雛慈母喜  
階前繫馬故人疎

東風一樹梅花雪折得南枝報鯉魚

陳伯大先輩偕邦中義陳容齋張子毅見過酒邊  
以茶瓜留客遲分韻得茶字

白鶴溪清水見莎溪頭茆屋野人家柴門淨埽迎來客  
薄酒留遲當啜茶林響西風桐隕葉雨晴南畝稻吹花  
北窗幾箇青竹題遍新詩日未斜

嘉定道中二首

黍熟湖田花鴨飛雨香秋浦蒭魚肥野翁織屨街頭賣

日莫裹鹽沽酒歸

趁潮艇子若游龍  
潮落橫塘日下舂  
負郭人家星散住  
水邊多種木夫容

崑山時州治移居太倉

孤峰雲疊疊舊邑草蕭蕭  
覓石敲新火  
拏舟趁早潮  
沙田紅稻熟  
溪網白魚跳  
寂寞悲秋客  
蓬窗酒一瓢

寄邾仲義二首

我思垂虹橋滄波綠楊津  
鄂鄂棣華宅  
瞰此江之濱  
荷

衣佩秋蘭野飯羹紫萼一從橋上別花發三年春相思  
復相思為爾歌停雲

我思釣雪灘煙波數千頃幽人讀書罷乘風放孤艇沙  
頭弄明月水底見天影鱸魚秋自肥楓葉霜自冷釣鉤  
未連鰲聊此駐清景

羣鼠

羣鼠穿我墉畫出不我避蒼頭生執之赤手遭齧噬號  
呼驚四筵狸奴盡呼至羣狸眈如盲鼠輩從此逝老我

氣力衰長吁夜無寐

寄惠山鑒長老

字仲明  
號太虛

太湖之陽九龍峰金田蟄爾僧中龍山頭雲出野漠漠  
石眼泉落聲淙淙呵冰古硯寫墨竹埽雪幽軒看碧松  
別來兩度歲年晚祇見梅花信一封

避雨

繫馬度亭東郵亭似鶴籠

一作題詩  
野店中

長河飛白雨高樹

灑清風州界纔相接鄉音便

一作  
遠

不同野人來問字錯

認是揚雄

一作齊梁陵寢地猶得問樵翁

無錫贈何敬存

我我九龍峰寒泉落冰雪美人比傾蓋為我滌煩熱世塗自荆榛肝膽無楚越憑高一長嘯清風滿林樾

河魼

世言河魼魚大美有大毒彼美吾不知彼毒聞已熟其子小如芥食之脹如菽腹腴膏血多目睥頭項縮烹燒苟失飪褻至不轉瞬或言直一死輕命重口腹爾來州

里間杯羹數家哭譬諸安與史甘用取顛覆溺愛多不  
明奚止一水族作此河鮪詩逢人敢忠告

瓊花行送盛克明教授歸維揚

揚州好花非不多奈爾絕品無雙何水沈香滑素玉蕊  
琉璃滑葉青瑤柯東風二月花時節二十四橋香浸月  
小山叢桂避芳塵東閣官梅褪殘雪向來名士多品題  
括香御史今亦知何日移春獻天子不負此花天下奇

過鄒道鄉先生墓有感

忠公天下士夙學能慎獨平生寸心赤耿耿照黃屋元  
符引裾諫痛甚賈生哭上言正中宮下言斥當軸直道  
時不容除名竄荒服建中及崇寧寵辱手番覆炎蒸嶺  
南地文章散青靦晚歲歸故山林莊竟薶玉向來望佳  
城鬱鬱暗松竹今為禾黍區春雨薪穀穀翁仲知何歸  
云仍困無告嗟余佔畢生斯文賴私淑願言理侵疆重  
植宰上木愚公將移山自謂計已熟精衛欲填海可奈  
力不足傷心復傷心殘碑卧荒麓

喜復鄒忠公墓田賦絕句十首謝兩郡侯

錄二

府公遺愛霑幽壤禮部文章勒翠珉寒食清明人灑飯  
落花飛絮鳥啼春

里翁猶記前朝事五馬年年上冢來白鳥能言高桂古  
黃楊合把細花開

養竹成大林

以下二首摘  
葉題作感興

養竹成大林頻年竹生孫美竹非不多惡竹亦已繁羣  
奴為洗之往哉聆我言美者慎勿傷去惡必去根勿虞

爾斧缺勿憚爾力煩宿莽蕩無餘清風仍滿園

樹頭鴉舅鳴

樹頭鴉舅鳴農人起耘苗問之何爾忙良田莠驕驕去  
年耘較遲草蔓全力寡稂莠非不除卒以害吾稼吾聞  
農人語猛省天下事養虎當害人玩寇亦如此

三五七言

角蛇啼翼虎飛百年鳳皇壞五色鸛雛飢盲風怪雨連  
三月青天白日寧無時

歲莫獨歸

浩浩北風吹戰塵還鄉無復見鄉人  
四郊荒草斜陽外  
一樹寒梅野水濱  
偶有新詩題甲子  
勿驚初度過庚寅  
僧廬夜宿明朝別  
默念我蒿淚滿巾

西膠山下雪晴

寫呈無錫州尹遂蒙  
罷吳家渡築城之役

一夜雪深二尺強  
石人墮指冰蠶僵  
猶喜金烏兩翅凍  
不折天明飛出海上之扶桑  
老夫晨起膠山下風景看  
來渾似畫連山萬頃玉為田  
隔水數家銀作舍田中築

城圍義兵日高未飯飢腸鳴黃泥凍地硬如鐵白柄短  
鉏鋤有聲不辭受寒餓但恐虧工程將軍踏雪來點名  
萬夫鵠立顫且驚馬前壯士五色甲棒頭性命鵝毛輕  
余生悔不習兵法雪夜擒吳書奏捷客欄抱膝漫悲歌  
奈爾義兵寒若何

丹陽陳天倪及其弟剛中奔牛陳心遠諸羽士避  
兵洞庭山寄此代簡

洞庭林屋聚羣山

一作松喬  
別兩經年

問訊曾逢賣橘船湖上

白魚多滿尺

一作鷗  
堪結社

山中朱果不論錢  
仙家犬吠雲連

屋澤國龍吟月滿

一作水接

天辟穀有方煩寄我

一作能  
寄否

吾

將多與世人傳

一作老夫愁  
鬢雪紛然

### 寒食日聞鄉信口占

鄰舍驚呼避蝮蛇  
老妻嗔怒唾烏鴉  
誰知昨夜三更雨  
又送春風一度花  
寒食清明人上冢  
夕陽芳草客思家  
愁來復遶青山去  
何處壚亭酒可賒

### 過鴻山訪孟伯堅周履道不遇

班馬文章駕並馳雲龍追逐去何之門前流水垂楊柳  
屋上青山叶子規三月又逢修禊日一觴還憶太平時  
可憐潦倒無家客滿目風塵兩鬢絲

刺促行次履道韻

刺促何刺促江上秋風破茅屋誰憐杜少陵長歌之哀  
甚於哭故山可望不可歸髑髏臺高春草綠浮雲萍日  
竟誰洗烈火連天勢難撲三農不復把鉏犁風雨荷戈  
城上宿於戲人生有子作征夫不如返哺林間鳥

題春林雨意圖

前山後山雲氣濃欲雨不雨天無風記得

一作絕似

去年初

夏

一作兵革

裏此時船過太湖東

狗寨謠

往聞淮西軍食人狗亦有寨屯如軍是時江南幸無事  
尚謂傳者言非真安知吾鄉今亦爾地方百里皆荆榛  
三邨兩邨犬成羣見人如見東郭貌跳踉大噉猛於虎  
跛跢高踞聲狺狺路旁青草堆白骨天外飛鳶銜斷筋

征夫蚤去膽欲落冤鬼夜哭情難伸可憐性命葬饞腹  
往往多是還鄉民向來喪家狗絕食遺骸或與狐狸分  
乘時為暴至若此此事千古同悲辛寢皮食肉不可得  
張牙弄爪何由馴虞廷九官分厥職益必掌火山澤焚  
犬乎犬乎胡不革爾心全爾身主爾主鄰爾鄰搖尾乞  
食仍相親毋使狗砮之名天下聞

贈道傳上人

偶識廬山遠山莊借屋

一作客

居撥雲

一作長餅

分臘酒踏雪

一作老圖

送寒蔬門俯溪光迴窻含野色虛相過雨不厭燈

火案頭書

至正丁酉冬崑山顧仲瑛會客芝雲堂適時貴自海上來以黃柑遺之仲瑛分餉坐客喜而有作屬余及陸良貴袁子英等六客同賦

青巾西來

一作赤眉橫行

食人肉逃難西來

一作逃我崑山

采黃獨上

書不伏光範門忍飢寧負將軍腹玉山燕客客滿堂香柑新帶永嘉霜分金四座照

一作炫

人眼漱玉三巖清詩

腸山中柳瓢大如斗吳姬擘來薦春酒酒酣遙指洞庭  
山為問木奴曾貢否頻年兩浙阻兵戈黃柑綠橘不相  
過此時共享一作食此佳果胡不取醉花前歌漢庭傳柑

還賜宴應念江南久征戰聖恩有語復蠲租可奈數州

人已無

一作願言海內無征戰漢廷還有傳柑宴白髮吳儂能上天野芹亦獻蓬萊殿

漫興

一作吳下詠懷

十首

甫里水東頭垂蘿繫客舟客心清似水吟鬢白於鷗詞  
賦知無用干戈苦未休蓬窓三日雨農事憶西疇

五十不富貴蹉跎又六年新愁添鶴髮故國暗狼煙白  
帽看雲坐青鐙聽雨眠癡兒書嬾讀翻笑腹便便

吳地方千里齊民總荷戈人生無可奈天運竟如何米  
市黃金賤沙場白骨多故山時一望老眼淚懸河

伐木燒官炭中林霹靂飛窮猿無可擇飛鵲更何依野  
雨生稊稗山風長蕨薇兒曹能采拾猶足慰年饑

吳女何多巧吳趨作

一作變

楚聲市廛方易肆朱粉復傾

城壓酒桃花鳴彈箏細柳營將軍正年少相顧若為情

闔閭城下柳誰

一作新

種綠陰成樹繫浮江馬枝遷出谷

鶯朝家方用武僧寺總屯兵猶喜湖田熟街頭米價平

田舍方東作州家要義兵瀕湖團水寨斲石甃山城柳

暗邨煙暖芹香潤雨晴荷鉏歸未得布穀為誰鳴

盡道從軍好封侯甚不難羽書頻報

一作捷

相府即除

官北鄙煙塵

一作西日長安

遠東風雨雪寒腐儒人共笑白首

鹿皮冠

一作此身知己  
悞依舊著儒冠

太湖三百里流血水雲腥戰鼓有時歇漁歌無處聽飄

零孤鴈白慘澹遠山青題橘音書斷令人憶洞庭

近聞哀痛詔使者出

一作又

江東兵革何時息

一作已

車書

四海同落梅春雨後芳草夕陽中俯仰長流涕窮塗一

老翁

一作欲作菟裘計桃源路不通

顧國衡萬戶席上與乃翁及元璞長老數客把酒

賦詩各成七言四韻

客來寒食清明日每日清風醉玉山綵筆醉題鸚鵡賦  
寶香頻薰鷓鴣斑檐前修竹翠欲滴池上小桃紅更殷

按得錦箏新製曲  
隔花黃鳥共間關

和顧仲瑛金粟冢燕集

我昔過北邙立馬山之隈  
為問隴頭樹皆云後人栽  
生前尊酒誰不有無人到此自對青山開  
屋堆黃金五侯  
貴難免白骨生蒼苔  
最憐吉士或枉折有如爨下焦桐  
材一作道旁多棄夜光  
壁爨下誰惜絲桐材  
玉山先生達觀者  
曾次不著閒  
悲哀清秋攜客墳上飲  
麴車載酒山童推大笑  
胥魂乘白馬  
深慚絲魄化黃能  
墓銘自製身一作詩  
自輓視身不

翅輕如

一作於

埃鸞翔鳳翥玉箸篆虎踞龍蟠金粟堆鶴

羣三

長一作

繞嘉樹舞龜趺並載豐碑來

摘案上四聯倒轉

長吟

復短吟此興何悠

一作高

哉秋風無情摧萬物芙蓉亦老

臙脂顙笑言他年翁仲共寂寞何如此時賓客相追陪

功名絕

本一作

愁根富貴脫

真一作

禍胎百年能幾日一日

能幾杯從茲秉燭長夜飲猶恐四蛇二鼠忙相催主人

爛

一作沈

醉客亦醉絕倒不顧旁人吟北望中州數千里

人家盡作兵前灰觸體委江

一作荒

郊多是賢與才忍飢

自作

一作伯夷空忍

首陽鬼

一作餓

獨醒誰念

一作屈原徒作

湘江纍神

仙初無不死藥方士浪說尋蓬萊君不見無邊之海白

淼淼無名之山青巍巍長鯨噓吸成風雨

一作雷

徐市一

去何曾迴

玉山以余欲徙居淞江之東設席書畫邀袁子

英陸元祥恢上人用江東日莫雲分韻賦詩以餞

余得江字用以留別

浮家野老雙眉厖換柁欲度吳淞江東將入海鉤濤瀧

玉山山中別老龐西池之屋如舂艘左圖右書堆滿窗  
燈花搖搖落銀缸葡萄濫濫傾玉缸四檐白雨飛流淙  
若裂媧石銀河淨主人長歌客按腔翕然鐘鼓相擊撞  
酒酣捉筆如長杠千軍可埽鼎可扛諸公大才齊楚邦  
騷壇老將森麾幢客來投戈乞受降乃辱贈以白璧雙  
明朝短櫂纜解樁馮夷前驅鼓逢逢海濱懷人倚石缸  
書筒好寄黃耳虬

子英云玉山顧隱君今於同里法喜寺樓居日鈔

佛書至午而止餘暇則吟詠不輟雖親舊來訪亦

不往答焉余因子英復去作此代簡

摘橐題作袁子英過長洲

寓舍云顧仲瑛寓吳江法喜寺口鈔佛書過午則觴詠不輟子英行附此問訊

客來喜得平安信  
蕭寺樓居日掩扃  
湖近浪搖窗影白  
地偏苔沒屨痕青  
羣賢方結蓮花社  
小楷猶鈔貝葉經

歲晚扁

一作歸

舟歸

一作經

甫里好尋漁父過寒汀

踏車婦

吳田水深三尺許  
總是去年秋  
莫雨勸農使者催  
春耕

田甲頻搗水車鼓江邨破屋能幾家幾家婦姑俱踏車  
蓬飛雨鬢赤雙脚亦有兒女雙髻了淞江太湖愁滿眼  
白汗霑衣足生趼車輪轆轤羊角轉水波翻翻龍舌卷  
春來十日九不晴怕聞鶉鴉呼雨聲滂沱纔俾片時久  
辛苦又加三日程當家豈無夫與子打魚日糴去城市  
城中禁米難出關田上忍饑還戽水四郊未種園田穀  
三邊已運官倉粟安得木牛為木龍運水疾於牛走陸  
西林日落田婦歸隤岸白煙魚虎飛詩翁獨立長太息

何處青山有薜薇

二月歸田舍作四首

十年為客不窺園  
數日還家獨閉門  
兒女牽衣拂塵土  
親朋折簡問寒暄  
江南花柳青春好  
淮上風煙白晝昏  
聞道賊渠今磔死  
雨憲歡喜倒青樽

餘生甘分老漁樵  
竹徑柴扉掩寂寥  
舍後薄田堪種秫  
門前流水喜通潮  
人遭歲歉餐榆粥  
天假春晴養麥苗  
蚤起馮高望西北  
楚氛猶自未全消

鴉鳴鵲噪總無靈庸孺謠言更莫聽萬國山河春蕩蕩  
一時煙霧晝冥冥官軍自足追窮寇縣吏猶勞募壯丁  
何日賣刀仍買犢花邨雞犬共安寧

飛鴛輓粟未能休嗟我鄉鄰日夜憂何事羣兇啗猖獗  
半年諸將擁貔貅桃花過雨紅顏老杜宇傷春血淚流  
堪笑腐儒無可用下帷依舊說春秋

客來

帶孔頻移轉覺寬酒杯雖舉不成歡客來為說紅巾苦

窓下榴花亦怕看

題金陵陳時舉宅畫壁

雙松歲寒姿卷石太古色我昔山中

一作南山

遊憩

一作歇

此

松下石松花雪霏霏松葉風瑟瑟安知此清景相對復  
今日撐空兩髯龍還在書中室主人罷鳴琴宴坐室生  
白客來苦炎熱倚樹欲挂幘不聞天籟鳴但見空翠滴  
煩襟頓如洗林壑幽興適經月數相過明朝有行役黃  
埃赤日中令人轉相憶

兵後到杭馬掾史置酒見招且示所與石處道丘

長卿西湖倡和之什次韻一首

摘彙題作馬仲達省郎招飲出示石

處道丘長卿西湖倡和之什乃即席次韻以寓感慨

西湖山色冷如灰前度劉郎今又

一作兵後

來紅粉畫船俱

寂寞斷橋流水自縈迴一隄寒柳風煙老兩鬢飛

一作秋

蓬歲月催賴有故人能慰藉綠尊長對晚山開

### 西湖曲

西湖春水綠於酒西湖女兒嬌似柳依稀二月三月春

攀折千人萬人手我有一索青銅錢明朝也

一作亦

買下

湖船試歌斷臂孤兒曲湖上豈無人解傳

舟中懷辛至善

春草綠如許之人猶未歸江東雲度水馬上雨霑衣王  
事驅馳久家鄉信息稀多情舊時燕還繞畫梁飛

嚴將軍戰馬歌

并序

至正乙未春常多盜省府調兵捕之浙東宣慰  
司元帥嚴公來總軍事未幾無錫平移軍武進

一日擣禾富莊賊巢軍中失二馬明日賊乘之  
抗官兵烈塘上二馬聞金鼓來奔賊控勒不能  
止遂墮地馬立蹊殺之官兵大捷故余烈塘之  
民咸神其事俾余作歌以美之

摘彙序云至正  
乙未春浙東宣

慰司元帥嚴公某統兵捕寇過浙西秋八月兵  
駐烈塘一日遣兵擣禾富莊賊巢失一騎士既  
而賊乘馬出拒其馬望官軍來奔賊墜地馬蹊  
殺之賊衆驚潰官軍大捷以馬詣帳前白事時  
余適在公座中聞  
而喜之故有是作

往聞齊軍夜路迷老馬前導人追隨又聞的盧躍檀前

漢業復立西南陞古來良驥稱有德未有驍騰能殺賊  
將軍兩馬馱賊來雲霧四起生風雷紅綃帕首爾何物  
霜蹄一踏成飛埃軍前認主鳴且舞驚倒熊羆與貔虎羣  
允膽落不敢追官軍凱還槌大鼓馬兮馬兮誠有功須  
知感物由元戎將軍接迹武惠功煌煌史冊書勲庸爾

馬名示垂無窮

摘稿詩云將軍武惠之嫡孫帳前甲騎  
多如雲一驪偶兩墮賊窟背馱賊渠來

策勲沫流兩吻噴白雪光燦雙瞳夾經月雷奔電激煙  
霧隨望我旌旗馳跼鐵渠方命隨鐵蒺藜驪兮蹠之成  
粉壘賊曹瓦解爭納款我軍凱歌歸馬嘶古來良驥稱  
有德未有驍騰能殺賊呂家赤兔項家騅骨朽猶當有

慙色將軍報國東精忠安知馬亦肝膽  
同他年太史作佳傳宜亦牽連書乃功

過無錫口號

至正十五年十二月初一日丞相達識帖穆爾公赴江浙余舟隨行觀賊

輩無狀感憤而作

丞相樓船搥大鼓鐵騎前驅猛於虎紛紛一作何物鼠輩敢

橫行一作跳梁與我官軍戰河澣一作不輕落日未落縣

林梢一天殺氣風騷一作蕭騷官軍縱火鼠入窟太湖水

濶陽山高相君賢似唐一作名裴度豈無將軍如李愬

兜鍪戴雪擣賊巢一夕湖船可飛渡我有一一作方寸鐵

願作將軍箭將軍三箭定陽山湖水依然淨如練

題林泉雅趣圖贈杜玉泉

泉翁愛山如愛客到處好山皆莫逆脚根不浣京洛塵  
面紋長帶煙霞色奚童抱琴翁曳履長日山中看流水  
萬松清籟響如絃滿地白雲吹不起桂花蘿月秋復春  
野花幽鳥情相親巢由相去數千載黃綺以來能幾人  
山顛水涯風物美都在我翁詩卷裏莊周夢蝶蝶夢周  
覽是圖者同天游

奉寄楊鐵厓先生

光範門前三上書先生曾為發長吁板橋楊柳藏書屋  
鐵笛梅花落酒壺偶遇故人論北海相思一夜夢西湖  
由來海內誇長句肯寄浮家野老無

玉山邀至同里法喜寺飲別是夕酒醒夢回宿雨  
初霽月明可喜即景賦詩兼寫送別之意

風吹雨脚斷月到天心明孤鶴有清夢荒雞非惡聲南  
浦明朝別西湖幾日程權歌人正苦莫上石頭城

再和韻寄趙彥深

平原公子午橋莊草木當年雨露香  
桂樹不嫌招隱士桃花應喜識漁郎  
錦茵醉酒冬宵暖冰檻垂綸夜月涼  
我亦欲拈橫玉去為君三弄踞胡牀

雨夜懷朱澤民

一天風雨夜漫漫獨為先生發永歎  
杜甫百憂茅屋破鄭虔三絕坐羶寒  
鶯花紫禁回頭夢煙樹青山抱膝看  
最憶舊游諸閣老別來零落漢衣冠

和鄒弘道諸公遊磧沙寺

錢唐形勝接蘇湖風物于今入戰圖  
獨爾磧沙仍似舊諸公杯酒不相孤  
遠山雲歛千峯出幽樹春來百鳥呼  
白髮老僧盤膝坐笑看車馬涉危塗

中秋日玉山顧仲瑛邀翟明府份陸良貴仁秦文  
仲約等十人飲金粟冢上酒酣賦詩各成一首

憶昔避戎馬放櫂來北山相逢適中秋  
展席解愁顏安知復今夕嘉燕得良會  
烽煙猶眯目慘澹千里外卓哉

山中人曠遠誰與儔坐客金粟冢酌醴相勸酬華月出  
松杪靈飈吹桂子荷鍤長自隨駒隙去如水搖毫寫雅  
懷絢爛無遺言客亦興不淺鬪勝寂不喧清歡忘城鼓  
盡醉傾笑語柱頭老令威為作八風舞停杯論古今仰  
天問嫦娥見此曠達士百世能幾何庾樓榛莽暗牛渚  
風浪惡縱有酒如澠恐亦無此樂夜深月愈白清溪歸  
洄沿一笑謝主人今年復明年

此詩從倪原道畫金粟  
冢燕集圖卷錄入本集

云憶昔避戎馬放懼來北山相逢適中秋展席解愁顏  
安知復今夕嘉燕集羣彥烽煙雖不熄眼底喜不見華

月出松杪靈颺散天香玉稱瓦便蘓荷鉢童在旁酒酣  
客哦詩其樂勝鐘鼓頭老靈威為作八風舞人生不  
飲酒杯孟空匱前寥寥數千  
載孰與劉伶賢與此小異

贈章彥復省掾

一作郎

相約攬秋色松江來小

一作重  
來樣容

舟留人十日雨洗耳

一作

醺酒

百花洲祖逖鞭方著張良箸欲

一作可

籌吾廬吾自愛

霜菊晚香幽

一作青山應笑  
我白首未歸休

寄章彥復

蘭省歸來日未斜閉門塵靜似山家教兒楷字謄詩彙

遺客生綃寫墨花太伯祠前人走馬姑蘇城上樹棲鴉  
知君觴處多懷古忍聽吳趨唱小娃

絕句

屈原沈

一作投

江死揚雄投閣生一時生死計千古是非

名

夏五雜書

遠客相過說帝都黃金如土米如珠內園人歇催花鼓  
市肆塵生賣酒壚河北功臣稱李郭江南租稅賴蘇湖

明朝漕運開洋去幾日風帆到直沽

次韻陳維寅蘇杭懷古各三首

幽尋度香徑遐思倚琴臺烏啄嘗膽日雉妖捧心來春

風煽天

一作  
濃

豔滅國輕於埃

馮高望海潮白馬還來無一杯弔忠魂江風為號呼悲

哉扶眼地愁煙暗

一作  
化

落蕪

奕奕

一作  
丹青

讓王宮遙遙延陵

一作松  
柏季子

墓吳儂

一作  
黔黎

奉烝

嘗春秋幾霜露胡為後

一作  
今

之人無復繼高步

寶鼎移炎祚降王赴幽都遂令虎林人得一作斯免馬邑

屠獨一作可憐金盃出啼殺稽山鳥

輦路土花碧金門必留關浮海兩龍起一作馬一去亦不

一作不復還空遺溫室樹一作蕭條過客猶高一作忍躋攀

我來銅駝巷葛嶺重行行一作襄樊怕人相逢話一作九重

倚師相皆云一作十年誤蒼生遺臭千萬年沙堤潮上橫一作

銅駝卧天街  
今雨淚縱橫

烈婦歌  
并序

婦周氏吳郡太倉人至正丙申其父以義兵元帥貪暴將殺之謀泄而舉家被害帥之子悅婦少艾誘為妾不從痛罵而死鄉人義而哀之為之構祠立碑會稽楊公廉夫為文且屬江西陳季子索詩以著其事

陳君手持烈婦碑勸我為作烈婦歌人生自古孰無死烈婦之死名不磨本是東滄小家女粉黛不施眉自嫵父憐母惜忍違離納壻於家半年許阿耶從軍氣頗麤

欲殺不義奔京都手持芒刃機不密身落禍阮家乃屠  
繡衣郎君元帥子少年絕愛傾城美願言攜手與同歸  
即免梟首尸諸市郎君滿屋堆黃金安知難買烈婦心  
耳邊言逐飄風過腹內怨含滄海深罵聲不絕郎君怒  
馬上揮刀斫頭去雙鸞羞對一作青銅鏡全家甘赴黃

泉路媚媚肌體嬌如雪烈烈肝腸堅似鐵一團冤一作怨

血注婁江至今流水聲嗚咽男兒讀書戴冠巾偷生或  
忍忘君親奴顏婢鄰曳朱紫得不媿此羣釵人嗚呼得

不媿此裘釵人

廬知州宜興秩滿以避

一作兵

亂久寓無錫視同故

鄉今知崐山

一有州字

必有懷二州風物之美贈詩言

情并致頌禱

一作與子叙舊言懷良有感慨作二詩貽之

我思陽羨茶初生如粟粒州人歲入貢雷霆未驚蟄天

荒地老今幾

一作十

年春歸又聞啼杜鵑山中靈草化荆

一作棒

棘白蛇何處藏蜿蜒玉山

一作川

先生一寸鐵欲剗

妖墓救明月丹霄路斷肝腸熟還憶茶甌飲冰雪

我思惠山泉長流無古今

一作冷然  
響鳴琴

餅罌走千里煮茗

清人心向來劫火炎錫谷神焦鬼爛勢莫撲

一作後  
採哭

池

邊浦

一作  
桴

石亦灰飛此水泠泠瀉寒玉高

一作  
若

人飲泉

五六年一襟清氣清於泉好為吳儂洗煩熱乘風歸報

蓬萊仙

顧仲瑛避地嘉興幾二年間回崑山往不見遇作

詩寄之末章兼簡白西長老二首

細雨清明日扁舟過玉山傳書元有誤飛鳥竟無還芳

草萋萋碧落花點點斑題名牆外竹黃鳥正間關  
客來常問信書去半沈浮兩度黃梅雨相思白髮秋樵  
漁今短笠山水古長洲寄語天寧老龜巢賦詠不

和陸宗魯韻贈夏師魯

百斛葡萄賸有餘一官不換只閒居窗含煙氣虞山近  
門掩秋聲栗樹疎鴻鴈去來知幾度雞蟲得失竟何如  
丈夫高蓋非無日聊遣閒情賦子虛

崑山陳伯康築亭山巔楊邊梅過之題曰玉山高

處且為賦詩命郭義仲劉景儀及余和之

神仙中人鐵笛老愛

一作為

爾玉山雙眼青玉山高處拄

手杖

一作板

鐵笛醉時圍肉屏天生丹穴鳳為石東望黑

洋鯤出溟人傑地靈風物美

一作一代風流有如此

絕勝

一作名齊

西

蜀子雲亭

過震澤留別智愚隱長老蘇昌齡先生

松江太湖春水生湖邊

一作上

白鷗尋舊盟遠公沽酒壯

行色坡老賦

一作題

詩慰

一作言

別情燕子日長書屋靜柳

花風颺釣絲輕相過不負青山約一櫂夷猶兩日程

過吳江三高祠

三高祠前秋水波客來弔古悲且歌季鷹魯望桑梓敬  
蠡也邊豆理則那生為越人身相越百計謀吳吳乃滅  
真憂烏喙將無情兔死狗烹肝腦裂飄然攜家湖海遊  
捧心人與同扁舟越人誇功鑄金像於吳孰曰非仇讐  
行裝重寶久彌富清高之風絕何有奉嘗堪笑木腸兒  
忍睹荒臺麋鹿走江風肅肅楓葉寒扣舷折我青琅玕

靈胥怒挾海潮起殷若雷鳴過雪灘

六柳莊為沈太守作

彭澤五株柳清風千載餘顧余心乃心修名難與俱所以樹六柳於焉結吾廬門前有流水樹下堪釣魚我柳已成陰豈不懷放歸人生一趨舍世事紛萬殊善學柳下惠風雨慎攸居繼跡子陶子亦曰姑徐徐誰其知此心南山默如愚

贈慶別駕

台州別駕不之官，煙水孤邨共歲寒。  
偶有濁醪留晚酌，旋挑生菜簇春盤。  
三年鄰里通家好，四海兵戈行路難。  
且喜門前金色柳，東風堪作畫圖看。

贈楊君濟縣丞

我昔崑山鉏白雲，高軒訪我麋鹿羣。  
我今長洲釣明月，君復過此寂寞濱。  
感君相知式相好，與君談笑開懷抱。  
坐分半席白鷗沙，滿目青山淨如埽。  
社公雨晴風作惡，一作邨北邨南花自落勸農來往杏花邨。  
一作落雞犬

不驚田舍樂君歸哦松坐松陰我舟更入菰蒲深釣鉤  
無餌勿語人但說煙波無處尋

和邵彥清州判莫春寓僧舍

篋藏湘帙心雲香手閱金經掩竹房門外不知春早晚  
綠陰池滿日初長

劉旭齋過婁江客舍作詩贈之

方

一作正

欲題詩寄草堂遠勞移櫂過滄浪十年同飲三

江水一笑相逢

一作看

兩鬢霜田野

一作舍

無人

一作從軍

鴉種

麥漕渠通海蟹輸芒憑君莫話

一作目  
前無限

悲秋事

一作  
意且

復持杯送夕陽

簡吳江朱志道諸昆仲

去年長至聽埧簾轉眼今年又此時  
棣萼喜存兵後樹梅花早綻雪前枝  
西山近日無烽火東閣何人共酒卮  
兒輩此歸今問訊吳音變楚莫相疑

盛彥英隱居太湖之陰號具區耕叟  
命僕作詩以

歌詠其樂云

摘彙題作具區耕  
隱歌為盛徵士作

脫屣東華塵躬耕

一作結廬

太湖濱桑麻接鄰里魚鳥情相

親閒時讀書牛背上安知六國方攻秦

上四句一作蓬蒿開下徑桑麻

接比鄰金門玉堂望不到煙蓑雨笠情相親

東風二月桃花雨布穀飛來向

人語一犁初破隴頭春黃犢出闌健如虎羲農世遠莫

可追南山石爛無足悲

上二句一作西山不知誰采薇南山不知誰采芝我耕我田食

我粟歲晚復有冰壺整

悲歌笑甯戚夜半猶未已人間閒是非何

用污牛耳我田已耕

一作綠陰繫牛

春晝閒樵童隨我看青山

日莫歸來一壺酒我歌鳴鳴童拍手童拍手兒飯牛一

天星月爛不收重捻戲笛作三弄七十二峰俱點頭

上六

句一作牛棘花前開笑口笑問農家子若孫知我犁鉏  
佳趣否豈不見蘇秦為無二頃田六印累累苦奔走到  
了落禍坑虛名何足  
取鹿門龐真吾友

### 臘月

臘月無多日行年七十三浮生空自老往事日多慙南  
國山皆赭東郊草未藍蕭條江郭外雲暝雪參珍

### 古鼎歌

并序

中喜

一作蘇州

萬壽寺舊藏古銅鼎其竅識有云王

在周康穆宮冊錫褒用作皇考鄭伯姬尊鼎大  
德中任陽謝氏嘗欲以重寶易之時住持點翁  
師不從後謝氏為構佛殿點遂以鼎荅之至正  
丙申謝遭兵鼎因失去甲辰夏四月愚隱智公  
乃得於軍人之手耆舊聚觀皆曰吾山中舊物  
也既而出鼎見示且徵余詩以紀之

碧雲師著金伽黎空王殿上

一作前

龍象隨一夫長跼

一作

當階  
一卒

送古鼎狀若獻寶波斯兒羣縑來

一作聚

觀集丈室

中有老夫曾

一作僧前

致詞云是山中舊時物立誦竅識能

無遺惟有臣寰紀君賜用顯厥考鄭伯姬文詞詰屈錯

盤詰字體隱伏蟠蛟螭蒼姬訖錄世屢改不知何代來

於斯謝家寶樹易趙璧

一作佛利修

巨構賈與秦城齊鼎兮

鼎兮什襲去歲逾數

一作經六

紀今來歸師聞此語重歎息

兵火連年炎九域金鐘大鏞棄路

一作道

傍總若沈沙銷

折戟珠還合浦

一作鼎歸禪月

獨無恙護持信有天龍力摩挲

兩鉉濕煙霧錯落丹砂映金碧濁水

一作光如

摩厓五色蕪

一作含  
五色

出海

一作  
高比

珊瑚高

一作  
長

一尺嗚呼羲軒之鼎真

一作  
莫

可求禹鼎亦已淪東周世所用者非爾儔或膨豕

腹徒包羞調羹爾無與覆餗爾不憂歸來兮歸來北山  
兮菟裘汾陰自有為時出切莫放光驚斗牛

劍池曹廣文送府學院檢討

峩峩虎丘山湛湛劍池水水深人莫測草生寒不萎世  
傳龍祖劍斫斷蒼雲根千古兩絕壁鐵花點苔痕僧厨  
轉轆轤陰厓落冰雪臨池人有語響答出林樾先生屢

幽賞盥濯彈琴鳴木石俱點頭魚龍亦知音今居白玉  
堂還念青山約羣山與重遊增輝舊巖穴

和浦玉田清明日郊行三首

湖上新隄踏軟沙少年人面映桃花花邨風物渾如舊  
獨火青帘賣酒家

一幅春雲巧似裁隔湖飛過碧山來野橋小立題詩處  
夾竹桃花爛漫開

四壁青山眼欲花山光都似薄雲遮杖藜隨步歸來晚

月上東窗都到家

申仲義錄事杭州來議論慷慨風節可喜作此以  
贈

客來試問錢塘事冠蓋都非舊日人尚喜西湖堪種菊  
一作柳不知東海欲揚塵手題王粲登樓賦頭戴陶潛漉  
酒巾如此江山如此客政須傾倒洞庭春

和沈啟之立春作

何物淮夸久亂華東風依舊滿天涯春盤薦酒杯頻舉

醉筆題詩字半斜  
無數故人俱契闊  
一雙老眼近昏花  
家貧賴有長鑱在  
坐待青山長蕨芽

莫春陪周明府顧將軍祠下看碑

黃天蕩上將軍樹  
樹下數家人  
姓顧行人遙指若堂封  
往事猶論麾扇渡  
新祠畫藻煙霧濕  
古木垂蘿鬼神護  
長洲縣令枉高蓋  
短褐巢翁曳雙屨  
海棠正落胭脂雪  
山餅為酹金盤露  
柱頭老鶴作人語  
道旁馴雉隨車駐  
吳趨一曲歌未了  
蜀魄數聲春又莫  
金戈鐵馬尚酣戰

白羽清風復誰覩看碑莫怪客如雲彼君子兮真可慕  
臘月二日偕俞寬仲過篠涇僧舍蒙舉似近詩次

韻一首

故國溪山各遠離倚樓長笛為誰吹相逢山海三生石  
共惜邊風兩鬢絲客舍暫如桑下宿世塗危甚劍頭炊  
明朝果若西菴去更約匡衡細說詩

懷徐伯樞諸友

一作避地  
篠涇懷友

一一作憶 昨方卧疴妻子呼避兵扶持上輕舟烽火照夜

明

一作登舟夜將  
半骨立心顫驚

問兵今遠近言圍闔閭城賴有風滿

帆送我東南征三

一作信

宿坐不寐鶴鳴近華亭曉

一作晚

泊青龍江蘆葍匝地青新知適相遇留我居篠涇土風  
頗淳朴地僻雞犬寧吾病日以瘳客來能送迎老瘦心  
自憐或謂詩骨清比鄰兩三家情親若平生園蔬日持  
送酒壺時共傾對酒不能樂

一作強飲  
不成歡

艱虞未忘情懷

哉數君子雨打水上海飄零各何許吾將尋舊盟賣刀  
買黃犢子孫共春耕奈何西枝西礮石猶雷鳴

次韻贈本蘭亭上人

庭前手植娑羅樹樹下頻繙竺國書  
失鹿不知秦二世  
葬魚那問楚三閭  
園收柿葉皆新紙  
林養松花當宿儲  
十里雙溪春水綠  
浮杯時復訪樵漁

余患項癰適兵後無醫藥可療即事口占并寓感  
歎

吮癰人在五侯家  
市肆渾無藥可賒  
童子歸來風雪夜  
老夫愁絕對梅花

一作童子歸來貪睡  
著竹爐吹火自煎茶

次韻徐伯樞寄二首

病卧碧山久愁添白髮新一冬無雨雪四海有風塵妻  
子移家遠親朋折簡頻梅花應笑我出語欲驚人  
客夜牛衣薄王春鳳厯新東南蛙角地多少馬蹄塵輦  
鼓依然急壺觴莫厭頻君看塞翁馬得失豈由人

題孫彥學所藏江貫道清江泛月圖

吾聞老郭之傳許與江山水絕筆稱無雙此圖夜景江  
所作仿佛秋聲動林壑長江澄澄月在水遠山蒼蒼樹

如蟻如此江山夜放舟若人真是逍遙遊爾來一百四十載陵谷變遷圖畫在世無蘇李兩詩仙赤壁采石俱蕭然老夫此興固不少解裘亦足酤清醪出門有礙行且休不如燒香看畫樓上頭

和臨寒食有感五絕

錄四

何處登臨散客愁千墩浦上聽漁謳清明落盡梨花雪  
能得春風幾日遊

烈塘墳上樹如雲一掃東風十五春不信令威歸不得

竟移華表屬他人

一逕落花春晝靜  
四鄰嘉樹綠陰繁  
兒曹忘却懷鄉意  
浪說春風似故園

白髮蕭蕭客未歸  
淒風緊雨禁煙時  
青苔白骨尋常事  
堪笑田文為客悲

遷居

逃

一作多

難居頻徙幽懷孰與論  
崑山一舍地湓浦數家

邨  
老去仍為客  
朝來又抱孫  
雨餘春韭綠  
生意滿東園

聞玉山顧隱居以賦役入城負疾而歸而山中花  
竹多為有區區懷思寄詩代簡

聞道龐公也

一作近

入城還家風雨近

一作過

清明催租人

去詩仍好市藥童歸病已輕尚喜竹林青荀出不嫌花  
逕紫苔生野夫得此平

一作路逢  
緇侶傳

安信尋訪

一作候問

姑遲

數日程

四月二日林自瑤城歸寫呈遷居詩四首因以述

懷并記時事

鶴長兒短世難齊滿眼風塵客路迷  
竈突未黔居未徙  
兒曹況在兩湖西

六幅蒲帆帶雨開  
瑤城艇子過湖來  
老妻正倚門前樹  
雪色楊花覆綠苔

僦得山居鑿井新  
客來不厭煮茶頻  
屋頭鷺地顛風起  
狼籍桃花滿樹春

鬢絲垂領白毵毵  
老我身如作繭蠶  
午夢忽驚飛礮響  
狼煙只在澱湖南

答徐伯樞見寄二首

十載風塵走朔南，白頭如雪面如藍。  
借車載具家頻徙，應俗爲文筆大慙。  
茅屋雨添苔上壁，竹林煙護筍抽簪。  
別來行路難行甚，何夕挑燈細與談。

杜宇催歸不絕聲，知君歸計正留情。  
東膠茶焙春煙暖，西堠花邨夕照明。  
音信尚煩黃耳寄，交情不負白鷗盟。  
明年築室相鄰住，兒輩求田與力耕。

贈筆生王伯純

一作世超

時方用武我業儒王生

一作超也

賣筆來吾廬生承世業雪

溪上製筆特與常人殊

一作曰余製筆似輪扁妙不能言徒歎吁

宣城阻兵

十三載猶喜山中老貌在拔來秋

一作紫

穎帶微

一作秋

霜

縛得銛錐含五彩

一作製得筆成時世改

昔

一作鄉

年草創供玉堂

玉堂仙人雲錦裳三鱗一字不易得筆價亦與時俱昂

莫怪年來棄如土埽除風塵必折斧生

一作爾

今賣筆我

賣文何異適越資章甫呼兒亟用

一作為我

買一束為我

一作

亟寫成懷古錄吾兒作字

一作書永字

三歎賞八法以之隨

意足我有好

一作佳

音生可

一作語爾

知用筆將見文明時諸

公筆諫佐明主老我筆耕箋古詩逝將重作毛穎傳為

記頻年遭薄賤

一作倦毛穎更須重作傳

牽聯為生

一作爾

書

姓名字業不隨陵谷變

一作山亦蔥蒨

中秋適逢酒禁開

椰瓢酌生

一作我

新潑

一作綠

醅酒酣仰視月中兔長嘯一

聲歸去來

方池詩為馬公振賦

攜我方竹杖看君方池水宛然俯中庭照影月明裏清

風生蘋末素練吹不起魚樂魚自知主人亦應爾

和許君善郊居

秋色蒼茫日落斜  
鯉魚風起荻飛花  
先生晚酌依稀醉  
吹笛漁童恰到家

淮夷篇

大邦浙河西吳郡稱第一  
淮夷著柘黃來作豺虎窟  
交鄰無善道西顧無一作拒  
勅敵一鶚嬰罔羅同氣頓蕭瑟

正朔仍奉漢天恩  
滿牀笏賦粟歲蓓蓓  
郿塢金日積非

無舶舲風海運不挂席包藏狼子心反覆莫可測臺閣

兩重臣忍為梟獍食井鼃自尊大出入復警蹕愛弟寵

且一作日寵驕開府門列戟提兵幾百萬勢熟手可炙甲第

連青雲園溷東一作亦丹碧瑤池長夜飲天魔舞傾國帷

幄皆面諛忠鯁即麾一作墳斥權門競豪奢婪婪務懷壁

淮南舊巢穴坐視成棄擲出師理侵疆所向輒敗績鄰

兵賈餘勇一舉數州得羣兇納降去孤城一作歛戌獨堅壁

奈何圍數重樓櫓比如櫛礮車拂雲漢晝夜飛霹靂寵

弟既糞粉左右皆股栗短兵屢相接苗獠與戮力南濠  
百花洲流血水盡赤閉關甫期月人面多菜色蔬食

一作

茹猶八珍骸骨爨下析衆叛已不知豕突猶親出前徒

忽投戈回騎不數匹一炬齊雲樓妻子

一作紅粉

隨煙滅縛

虎送臺城咆哮氣方息嗟哉爾淮夸亡命起倉卒衡行  
十五載貴富亦已極雕牆底滅亡斯理信勿忒

過無錫書所見

朝發吳門東莫宿錫山下隔牆語嗚咽云是流移者生

來本邨居白首事耕稼居城僅期月區區避兵馬狂奴  
稱老虎啞人空四野城降人出關方避虎遭弔里胥俄  
促人負郭一網打監官驅上船寸步不少假不知遣何  
之骨肉忍相舍里黨哭聲悲涕與淚交瀉同行千數人  
瘦骨皆成把鐵索連繫頸俛首若喑啞天高恐未聞爾  
悲知者寡

歸故里

憶昔走避兵棄別鄉井去意將朝莫歸行行重回顧安

知今

一作  
踰

一紀方踏去時路四郊皆蔓草白日暝如霧

披榛訪閭里隔水拜丘墓傷哉脊令原黃蒿走狐兔別  
墅破垣在郵亭乃新作鄰兒二三輩衡茅畫局戶初若  
不相識熟視肖厥父坐久泣且言為我話親故什九死  
兵戈餘亡不知處其詞吐未終我淚已如注對食不能  
餐相期歸螳聚吾將語吾兒賣書買農具歸耕渴上田  
宜若烏返哺吾其正丘首此心庶無負

馬公振以久雨懷思作詩見寄適千墩諸友朋為

謀道旁之舍因和及之并發巨浸之歎云

芳草萋萋春復春桃花應笑未歸人數椽矮屋清溪曲  
一箇扁舟綠柳津且與往來乘款段從教圖畫上麒麟  
老妻頗勝劉伶婦不惜春衣典酒頻

簡熊元修

憐君苦有軟脚疾媿我貧無挑藥錢此日尺書重問訊  
何時杖策與周旋湖鄉地濕黃梅雨舍館窻含綠艾煙  
猶喜東家人好事銀餅長送酒如泉

石箭頭歌

并序

丙午冬吳人自望亭驛鑿渠通漕湖深丈餘乃  
得石箭頭長洲徐伯昂氏以所得之一見遺一  
以遺倪元鎮請各賦詩

南山爛盡蒼雲根飄風勢欲傾崑崙何物老砮作遺鏃  
一作老砮作鏃幾千載神鏡鬼削秋無痕沈沙不隨戈戟折太陰

玄精壯冰結五丁假手

一作手抉

出重泉猶帶堯時九鳥血

積羊肝膽破

一作鵝鵝驚破膽

尼子

一作題題

走折足獨有老於菟

坐嘯風滿谷  
猿臂將軍骨  
已枯蒼頭廬  
兒金僕姑時  
乎時乎奈爾  
砮

和靈巖虎丘感事二首

娃宮無復有樓臺  
佛刹而今亦草萊  
衲子盡隨飛錫去  
將軍曾此駐兵來  
青山銜日猶前度  
滄海揚塵復幾迴  
霜落吳天香逕冷  
斷猿啼月不勝哀

兵餘重到古禪關  
無限傷心四望間  
林下點頭皆礮石  
門前戰骨似丘山  
劍池屢變珠光赤  
盤石猶霑血點斑

白髮破衣膏舊在獨憐寧老不生還

遣興和馬公振韻

馬圖莫

一作母

怪出河逢世事方如理亂絲蓮葉有巢龜

已老竹花無實鳳仍饑離邊艇子供垂釣林下樵童許

看茶苜蓿一盤三丈日老

一作山

妻晨起

一作白首

案齊眉

顧仲瑛臨濠惠書詞甚慷慨詩以代簡

濠上人來書數行開緘如對語琅琅酒杯已辨弓蛇悞

藥杵無勞玉兔將少待天公舒老眼賸收雲母束歸裝

舊家亭

一作池

館花狼籍春水依然滿綠

一作綠漫

塘

老病

乾坤如許大老病此江濱無酒可留客青山應笑人幅巾方竹杖青草落花茵賣得長門賦相如未是貧

次韻荅許君善

小逕迂回草欲迷邨居如在瀼東西為煎新茗頻敲火自埽殘花恐污泥白首十年吳下客傷心千古越來溪羣賢何日能相顧重為湖山一品題

祭顧玉山詩

於乎

一作  
嗚呼

玉山翁先世吳右族生逢元

一作  
全

盛時當路

屢推轂辭榮樂蕭散竟蘊璞

一作  
石

中玉蚤持萬金產轉

手授家督不為五嶽遊家園蒔花竹讀書數千卷旁覈

畊與竺非無酒如澠過客佳乃肅徒見駟馬車未若一

儒服緇黃粲然者待遇亦刮日

一作情  
亦薦

常言性嗜詩趣

味勝

一作雋  
永過

梁肉興來挾雲漢毫端注飛瀑詞林采英

華琰刻播芬馥承平三十年

一作詩名  
滿朝野

嘯傲心自足世

故一變更十室九顏覆幽棲綽山下擬比

一作人擬

王官谷

時余逃難來顛顛如病鵠相見恨殊晚姓名聞已熟

一作

踵門過姓字一見已刮目

夜飲嘉樹軒明朝杯又續高堂桂花秋金

釵翦銀燭雙歌擢觥船洗我愁萬斛一留兩月餘坐客

常五六寫圖紀觴詠墜水亦有曲連牀可詩齋清話屢

同宿擇鄰移我家

一作局移家

歲晚安且燠奈何鼙鼓聲忽

一作又

若雷震屋妻人悉驚散我亦猿失木萍漂甫里東

賣文如賣卜感翁數相過餽問慰窮蹙翁亦客攜李遠

避賦蛇毒山川鬱相望詩筒時往復陵谷復一變翁歸  
理松菊松菊理未能疾疢俄困辱余舟榜笠澤訪舊宿  
西塾夜深屏輿隸促膝語

一作  
首話

心腹春風舊池館荒煙

秋草綠朝廷更化初召役事重穆挈家赴臨濠星言去  
程速送行媿鄒游口占謝龜縮詩去秋復春客來書滿  
幅念我及兒輩舉室蒙記錄自言多疾疢經年在牀褥  
鬱攸屢驚嚇使我長敲敲尚須手顫定親札寄篇牘安  
知僅逾月遽爾聞不祿初疑傳者謠細問淚盈掬嗟余

老異鄉知己失鮑叔蕪辭叙疇昔

一作曩

哀

一作悲

吟甚於

哭神交死如生歆此杯中醪

叔正過訪傳恢書記寄聲作詩寄之

茶澤歸來王子猷問君知與對滄洲  
一灣流水市塵遠兩岸人家煙樹幽  
客至白雲分半榻興來明月載孤舟  
如何不到淞江上卧看蘆花雪色秋

和陳思忠過王德修草堂

曲塘柳岸似蘇隄編戶菑畬比鄭陂  
春日鶯花圖畫裏

秋風雞黍古人期  
開樽許共傾蕉葉  
出妓應教舞柘枝  
老我杖藜慵出入  
草堂遙望為題詩

慧山泉

此山一別二十年  
此水流出山中鉛  
人言近日絕可喜

不見流鉛但流水  
老夫來訪舊煙霞

一作僧家

一作石

鐫試

淪趙州茶惜哉泉  
味美如故不比世  
味如蒸沙

陽羨茶

南山茶樹化劫灰  
白蛇無復銜子來  
頻年雨露養遺植

先春粟粒珠含胎待看茶焙春煙起  
筠籠封春貢天子  
誰能遺我小團月煙火肺肝令一洗

寄徑山顏悅堂長老

時退居崑山州城之南  
扁共室曰城南小隱

每憶城南隱者家崑山石火徑山茶  
年年春晚重門閉  
怕聽階前落地花

一作逢人與說無生  
話塵拂拈來帶雨花

黃宗禮

星查池館東牀客冰玉襟懷我所知  
百榼葡萄春醴醴  
一欄芍藥晝遲遲門前送却催租吏  
枕上還吟夢草詩

只恐繡幃人起早又催京兆畫蛾眉

逸菴詩為吳子明作

日高三丈餘先生睡初起雪屋燒暖香行庖繪冰鯉

一作

澱山小湖邊  
草亭修竹裏

逍遙白氎

一作  
漉酒

巾傲睨烏皮

一作元  
燒香

几鈎

簾對青山倚杖看流水

一作放鶴上晴  
霄觀魚戲春水

世事了不聞無

勞洗吾耳

送李彥明歸高郵

老夫歸從東海頭春風送客歸秦郵出門復覩鴈北鄉

物我喜得同悠悠吳船鼓櫂渡江去烏輪正挂扶桑樹  
桃花倚岸笑相看杜宇催人啼不住征袍十年塵土多  
濯纓今年滄浪歌一百五日寒食雨三十六湖春水波  
交游臺榭翦荆棘繼美前修集佳客誰能喚起老龍眠  
重寫耳孫湖上宅

寄題無錫錢仲毅煮茗軒

聚蚊金谷任葦羶煮茗留人也自賢三百小團陽羨月  
尋常新汲惠山泉星飛白石童敲火煙出青林鶴上天

午夢覺來湯欲沸松風吹響竹爐邊

雨宿縣學齋舍作

客來帷幮候漁父黌舍坐聽三日雨諸生讀書喧兩廡  
商羊飛來立當宇雨聲書聲雜蛙鼓蚓歌亦自諧宮羽  
青苔上堦菌生柱敗壁淋漓籀文古齋僮不敢開牖戶  
風撼庭柯嘯饑虎南山老石爛成土天漏誰能鍊金補  
去年旱魃走吳楚田家往往悲塵釜麥秋一飽方自許  
莫教化作飛蛾舞

結茅東郭歲晚言懷

過客應相笑衰翁未得閒  
酒經方補注詩藁又重刪  
藜杖家家竹籃輿處處山  
數朝天色冷高卧掩紫關

贈董明府惠炭

范叔寒多正不禁  
烏新重惠比烏金  
賒來脫粟忙炊粒  
留得焦桐好製琴  
環堵一龕春盎盎  
麗譙三鼓夜沈沈  
硯池冰釋龍香暖  
寫我朝來抱膝吟

雨中懷秦主簿

東門之東西市西人家屋頭啼竹雞新年十月九風雨  
二老幾時堪杖藜

次韻言懷二首

風冷柴門閉齋居縮似蝸小橋平陸里識字老農家野  
飯常留客邨醪頗勝茶早梅谿上折斜插膽餅花  
貧居家事少客去跋溪閒茅屋牽蘿補蘭階擇草刪雪  
添南浦水雲暗北窓山孰謂寒如許雞鳴客度關

送秦宜仲主簿之京

丈夫不灑離別淚杯酒聊發玲瓏歌黃楊閨餘歲已久  
紅杏日邊春正多子瞻手攜鐵拄杖太白足上金鑾坡  
鳳臺佳景必重賦千萬寄語來薜蘿

雜詩

山雲忽低迴四郊紛白雨老農荷鋤歸布穀桑間語相  
勸一何勤一鳴再三俯老農感禽意豈憚東作苦嘉穀  
已函活尚待明月照小兒未解事大兒遠服賈農器已  
可陳鋤耨在梁耜入室惟老妻出汲撫嬰兒

二月二日漫興

東風吹散社公雨紅白

一作南郭

花開爛錦雲時俗喜逢迎

富日老夫羞作送窮文  
袂衣試著寒猶怯拄杖歸來酒  
半醺為問驛橋楊柳樹送人多少去從軍

寄熊元修

佳兒發軔之官去名父居閒味道腴  
詩卷賸添兵後作酒樽常為客來沽  
江湖結社鷗盟冷遼海還鄉鶴夢孤  
煙水相望遠相憶寒雲欲雪盡模糊

寄盧公武兼問殷孝伯安信

時殷為咸陽縣教官

憶昔雨別去塗難喜得雲歸舊谷盤  
郡乘手揮孤史筆  
齋居頭戴鹿皮冠  
草生林館皆書帶  
竹老溪園可釣竿

獨念

一作為問

咸陽殷博士有無黃耳

一作書尺

報平安

徙居橫山口號

為愛橫山山水清  
山前築室小溪縈  
老夫枕石看雲卧  
兒輩求田候雨耕  
古井寒泉龍有宅  
孤村夜月犬無聲  
廿年兩眼風塵暗  
猶喜如今見太平

兒子木蒙恩釋屯種而歸詩以志喜

老烏失孤雛，噉號驚臺前。  
鸞鳴徹九淵，德澤降自天。  
鐵籠放雛歸，渴飲劍井泉。  
井泉非不甘，飲之不下咽。  
念我老病烏，肺肝煙火然。  
反哺知幾時，骨肉且生全。  
牖戶尚綢繆，羽衣復褊褊。  
衆鳥喜聲集，卉木回春妍。  
援筆紀離合，執徐洪武年。

吳中行惠方竹杖

往有方竹杖，化龍歸混沌。  
吾知龍之靈，知我力尚強。  
今

年八十餘舉足勢欲僵一目眇數月白日如昏黃出門

多荆棘

一作榛

况復多

一作畏

虎狼感君扶持意以杖遠寄

將稜稜七尺觚材拔宛種良孤根斬鐵石老節凌風霜

聱叟性惡圓為爾重激昂氣類喜相得顛危賴能

一作周

防秋風黃葉邛春雨烏石岡挂我沽酒錢時與遊醉鄉

赤藤含

一作有

赭色青藜失輝光覩物思故人晤言未渠

央

復愁

一作傷秋

茅茨數家黃葉邨

霏一作霖

雨一月谿水渾慈雅種麥日

未暝猛虎下山人閉門

### 重遊虎丘寺

不謁閭丘謁虎丘幅巾藜杖興悠悠飄蕭白髮三千丈  
來往青山八十秋寶地近曾為戰壘劍池今復屬禪流  
老松知我題詩意也學生公石點頭

### 代簡張希尹

余生寡諧俗老去得知已論交固云晚莫逆良可喜聯

翩諸侯客寂寞著書事夜分青藜火

一作光

晝

一作日

並烏

皮几幾回論班馬一笑觀

一作易

亥承煙雲揮灑外風月

吟嘯裏蚶杯酌流霞獸爐熬沈水佳哉水調詞清我塵

俗耳朱絃聽者希白雪和能幾別來懷盍簪夢見承倒

屐惟林大江邊瓢巷橫山趾秋風落

一作響

梧葉甘雨熟

菰米相望不三舍相過堪一葦詩筒繼元白過家猶乳

李況於阿戎談亦與諸任齒尚友古之人厥德薰晉鄙

寄賈教授相期詣鄒墳祭埽

題詩郡圃景鄒亭澆酒林莊下馬陵白草西風秋莽莽  
青山北郭路登登柱頭且看誰為鶴驥尾何慚我附蠅  
坐待秋涼行有日老夫扶僊策烏藤

雪巢為馬仲良賦

馬鞍山高數千尺考槃之阿環大澤梅花為屋雪為巢  
窗戶玲瓏虛室白諸公衮衮登雲梯若人奚獨能幽棲  
澹然素志絕華藻要令朴俗還標枝藍闕策馬官遠謫  
居延收羝羶盡嚙何如雪飲樂巢居更與党家風味別

梨雲無夢親如許  
膝上兒郎賦永柱  
此生此樂慎勿移  
聽取龜巢老人語

次韻答許西溪

憶昔送別黃花秋  
烏紗破帽霜滿頭  
別來作詩屢問訊  
夢中載酒時遨遊  
兵戈同歷十二載  
鵲鷗夜啼雲靄靄  
全家老穉幸逃生  
又閱桑田變滄海  
啟榮之樂今有餘  
勿謂比榮年不如  
峴山一望三太息  
襄陽耆舊晨星疎

次韻自述

百年有限恥求仙  
數口無饑賴薄田  
菰米熟來連日雨  
菊花開到小春天  
方從易外窮義畫  
無復詩中泥鄭箋  
客至酒杯時一舉  
開籠放鶴舞蹁躑

題夜潮圖

昔余夜醉錢塘酒  
看潮八月中  
秋後銀山湧  
出海門來  
潮聲殷若雷霆吼  
此圖之作知幾年  
當時景物皆依然  
雲山兩岸澹籠月  
雪岸一江高拍天  
一觀頓覺毛髮立  
再觀祇恐衣裳濕  
扁舟漁子任掀舞  
別渚鷗鳬自翔集

奔騰澎湃無足驚人間平地風波生垂桴尼父果浮海  
從遊我欲跨長鯨

張仁兄弟濠梁蒙恩還鄉

客行二月初三日詩到千墩寄二難且喜江南春氣早  
不聞濠上雨聲寒花時多釀醪釀酒芳館重修芍藥欄  
往事真成塞翁馬正須招集笑相看

題邨田樂圖

老人邨老瓦盆當作雞豚社不識州縣門阿翁醉倒阿

婆笑膝上呶鴉弄乳孫

過顯慶寺

六載重來釋氏家一甌新啜趙州茶  
杏花風後春何冷柏子庭前日未斜  
拄杖賴能無潦倒闕文煩為補楞伽  
要聽說法頻來往且喜平橋路不賒

書路城樵舍壁

灤東灤西農晦巷南巷北人家白  
露秋香雞黍綠雲春  
靄桑麻

自和述懷韻

曾聞社酒可治觥，  
枿榼分來謝阿翁。  
才士漫磨龜硯石，  
貴人多佩虎符銅。  
人前出語羞稱好，  
杯後為文錯送窮。  
連日昏昏如病域，  
不知春到棟花風。

瓜隱為崑山邵濟民賦

樂壺舊懸紅杏林，  
瓜廬今在清江潯。  
南柯太守了無夢，  
東陵故侯同此心。  
灌園自捧漢陰甕，  
抱蔓別作黃臺吟。  
笑我坐馳三百里，  
何由縮地重相尋。

簡無錫華景彰

百書不如一見面此語信然胡未然燈花有約半年久  
桂子已落中秋前東門種瓜抱溪甕西齋淪茗鄭山泉  
少游鄉里樂如此應笑鳶飛瘴海天

寄徐伯樞

東膠山人不出邨南州高士之裔孫十年曾作螻蟻夢  
四壁祇有莓苔痕松牽女蘿補茅屋童引乳泉澆藥園  
別來幾度屋梁月顏色宛然清且溫

薦福寺紅梅詩

并序

紅梅閣事見毗陵志等書唐溪詩話載程致道  
詩有春風日浩蕩醉色回冰肌之句元末兵燬  
今東山釋源公竺淵恢復舊刹重植茲花焉余  
記之

紅梅閣下紅梅樹陵谷變時風拔去堯峯老禪歸故山  
覓得孤根栽舊處年年春到花時節一枝五出臘脂雪  
春風笑面歲寒心光塵混融風韻別老禪道服忘妍醜

品題假我扶犁手黃州定慧海棠花可與齊名傳不朽  
月香水影象王宮雜花世界將無同幾度拈花有人笑  
吾將請問瞿曇翁

獨孤公檜詩

并序

唐獨孤憲公為常州刺史時有手植之檜今見  
諸郡志等書元末樹毀於兵至此二十餘年為  
常州民者宜再植以寓思賢之意況有周鍊師  
為松菊主者乎率爾口占呈乞諸搢紳先生更

倡迭和相與贊成亦庶乎厚風俗云

憶昔十五六好古尊前賢初聞獨孤檜快覩曾爭先蒼  
然一株枿舊根皴皮錯節枝葉蕃適逢夜雨半身濕宜  
是往年甘露痕孔明廟前柏相似乃在陳司徒廟之後  
園鄉來陵谷忽變改造化劫灰飛入海神焦鬼爛救不  
得桐鄉自此無光彩幸存一曲闌干石題公姓字留遺  
跡石苔爛斑土花碧相伴銅駝非荆棘余從海上避兵  
歸幾度摩挲長太息懷哉古之人好賢意無窮詠甘棠

愛召伯賦萊竹美武公憲公此樹堪比隆後人寧不仰  
高風玄都道士桃千樹一會區區豈難措龍鍾野老及  
羣英亦媿因循坐蓬蒿檜乎檜乎重培植風枝相樛霜  
幹直邦人具瞻仰遺德見樹猶如見顏色六百二十五  
年如一昔

出門

老去多懷舊興來時坐馳出門窮鬼笑罄室故人知野  
飯新菰米詩囊古竹枝諸孫溪上別矻矻問歸期

江山漁樂圖

數口妻兒網一張船為家舍水為鄉江南江北山如畫  
欸乃聲中送夕陽

洞庭胡敬之以余父執之交歲饋新橘凡十有餘  
年感無以報是用作歌

湖山清氣鍾而翁生兒亦有古人風年年送橘拜牀下  
甚媿我非龐德公今年霜落洞庭早橘熟先於葑田稻  
青衣童子黃金丸橘頭摘來霜未乾儂家食指百三十

分甘喜得皆波及嬌癡堪笑兩曾孫手弄金丸口欲吞  
阿翁老饕三噉畢既教食之還自喫一枝一枝復一枝  
翁有笑聲孫亦咍枯腸久似長卿渴甘露適從仙亭來  
楚江萍實不可得華峰藕亦無人識冷比雪霜甘比蜜此  
句真可題此橘韓子之詩今代無借作報章揮我筆懷  
哉故人家洞庭七十二峰環翠屏洛陽秋風塵滿城莫  
能污爾雙鞵青南山不爛黃河清正須坐閱三千齡山  
中舊識諸耆英煩道老夫多寄聲

紅梅

前代支郎亦異哉  
白雲堆裏植紅梅  
樹經劫火多番換  
花向春風二月開  
鄰舍店桃多赧色  
禪林草木絕纖埃  
一時想像題詩去  
別日尋芳載酒來

懷詹伯遠

蚪蚪殘書補未全  
齋居一榻坐來穿  
楊花遠屋白如雪  
溪水出湖青接天  
冠蓋不來騎馬客  
鷗鳬長傍釣魚船  
多時欲問平安信  
伏日題詩寄竹邊

次韻送秦文仲歸海上

漂水先生挽不留故山回首鬱相繆落花飛送九年客  
行李歸來一葉舟勲業鏡中成白首耆英會上冠清流  
獨憐詩社今寥落無復尋盟集舊鷗

賀潤天澤住持保寧寺

橫林之北橫山西孤邨流水古招提青苔一徑童不埽  
白雲半間人共棲松枝甘露落麈尾桂子香風吹麝臍  
我來欲問生公石道價孰與生公齊

和王有恒野步

芳草青青路欲迷  
白頭有客共扶藜  
吳田半沒桃花水  
辜負春風布穀啼

寄南宗僧綱和尚

去年同看中秋月  
東閣開窗夜賦詩  
閣下桂花無恙否  
秋風又到去年時

次韻答臧尚迪先生見贈

延陵野唱風吹去  
曲誤誰知顧且聽  
湖海卧遊春晝靜

一簾花雨集中庭

倪元鎮過婁江寓舍因偕智愚隱遊姜公墩得如  
字

秋暑賈餘勇懷抱方焚如故人江上來風雨與之俱遂  
令沸羹鼎化為寒露壺幽尋陟崇丘飄飄素霞裾同遊  
得名緇吟嘯興不孤大樹倚高蓋小酌歡有餘三江五  
湖上羣峰開畫圖獨憐我鄉土煙塵尚糝糊安知艱虞  
世得此暇日娛一笑百慮忘松風奏笙竽

題偶武孟江雨軒

春雨如暗塵江鄉晝冥冥幽人感時變於茲事耕耘江  
南亦屢作江風穆而清土膏潤如酥草木努甲生此竟  
誰為之曰維天之誠我藝我稷黍我軒洎我宇晨興帶  
經鉏寧惜作勞苦嘉苗既芄芄田畷為之喜霜飈一披  
拂致此歲功美斗酒以自勞共入此室處矧茲值時康  
樂哉詠江雨

兵後過季子祠

延陵采地荒榛棘延陵遺廟成瓦礫延陵野老歸弔古  
獨立斜陽長太息塵埃野馬紛滿眼城郭人民總非昔  
共惟泰伯吳鼻祖三讓高風冠千古周衰列國俱戰爭  
卓爾雲仍踵遐武去國躬耕江上田曰附子臧非浪語  
天倫義重情所鍾屹立狂瀾見孤柱此義孰可比采薇  
西山孤竹子此情知者誰獲麟老筆十字碑德音寥寥  
二千載陵谷幾番經變改江南近代淫祠多梁公不作  
可奈何於乎祠堂之毀還可屋禮讓風衰較難復漢家

兄弟歌布粟唐家兄弟相屠戮何當大化一轉轂於變澆  
漓作醇俗九州八荒春穆穆泰伯延陵斷絃續芳也未  
死當刮目

題杜拾遺像

國破家何在窮途更莫年七歌同谷裏再拜杜鵑前胡  
羯長安滿騎驢短褐穿畫圖憔悴色猶足見憂天

李子祠

千古一坏忠義土青山門外碧溪陰溪流冷浸中宵月

照見先生未死心

青邨先生金涓

涓字道原義烏人本姓劉先世避秦武肅王嫌  
名改姓金生于元季嘗受經于白雲先生許謙  
學文于黃侍講潛淹貫經傳卓識過人虞文靖  
公集柳文肅公貫交薦之不起洪武初州郡薦  
辟輒懇辭謝隱居教授青邨夷猶雲山水石間  
以終所著有湖西青邨二集共四十卷兵燹之

餘散佚莫存嘉靖間六世孫魁搜得遺藁付其  
子江為之梓王子充嘗贈詩云惜哉承平世遺  
此磊落姿宋景濂謂青邨氣雄而言腴發為文  
章尤雅健有奇氣不但長于詩而已青邨與王  
宋同里而為同門生相知最深而推許如此知  
非溢美也

和吳正傳五臺懷古韻

姑蘇臺

闔閭城畔姑蘇臺百花洲上千花開笙歌半空曉未絕  
一聲落月啼烏來蛾眉顰翠愁如簇空捧春嬌在心曲  
滄江羅網縱鯨鯢碧瓦丘墟走麋鹿悽煙慘日潮生處  
怨滿鴟夸猶不悟角東東海不可棲劍光夜冷吳山路

### 章華臺

楚臺雲棟連天宇伯氣憑陵槿九土方會諸侯求鼎時  
天下無周而有楚一朝吳蔡兵合謀孤舟江路誰從遊  
宮花曉露細腰泣空山落日餓鬼愁春風過眼秋蕭瑟

餽人一飯那能得道傍  
塊土棲草煙夜寒夢落空臺前

朝陽臺

楚王昔日遊臺上前望平峰  
近相向青楓錦石叢古祠  
暮雨朝雲依疊嶂蔓花古木多  
春寒翠幃仙佩非人間  
神功治水佐禹跡至今石刻巍如山  
詞臣錯寫高唐賦  
剛道朝雲夢中遇千尺黃湍洗不  
清水聲猶望臺前怒

黃金臺

昭王有志興宗社厚幣卑辭禮  
賢者郭君一語捐千金

國士爭趨駢馬燕臺計議皆英豪齊人蹴踏猶兒曹  
三軍旗幟白日動半空劍氣青雲高樂生既去士亦少  
回首春風長芳草火牛遂復七十城恨滿臺荒天地老

戲馬臺

將軍逐馬關中來神威掠地風雲摧鴻門舞劍成敵國  
彭城衣錦空登臺馳下漢軍何披靡垓下楚歌相應起  
山河百二幾諸侯子弟八千無一騎古來天下誰英雄  
荒臺老樹悲秋風符命合歸赤帝子項伯不忠范增死

和楊仲齋韻

溪行欲假履雲坐不須冠樹密一天小樓高六月寒  
袈裟僧客至颺颺喜人看惟有松無意風來即奏彈

秋夜

四望秋無際凭闌夜未央星榆晴舞葉月桂冷飛香  
人澹琴心苦林幽鶴夢長此情當此夕誰肯賞淒涼

山莊

青村溪盡處林密隱孤莊石老莓苔路門荒薜荔牆  
人

行秋葉滑鶴立晚松涼  
治畝農歸後蓑衣挂夕陽

江邨

寂寂江邨路輕煙晚自生  
遠峰晴有色獨樹暖無聲  
渚鷺行看水溪魚賣入城  
孤舟人不渡兩岸夕陽明

錢塘行在

鳳舞龍飛處寒煙半野蒿  
地卑東海近天遠北辰高  
來往春秋燕盈虛日夜潮  
老僧年八十對客話前朝

舟次漁浦

雙溪東入浙終日坐危舟流水遠明目小篷低壓頭煙  
邨鴉入暮江國鴈賓秋一片淒涼景安排獨客愁

浙江曉波

片帆風力飽涼氣碧颼颼江濶欲沈鴈天空惟見秋漁  
歌聞四起人影在中流隔望秦峰出東南第一洲

舟次嚴灘

八月桐江曲青蘋未著花亂雲低壓樹細水淺流沙到  
郭無多路依山有幾家故人成遠別相望各天涯

雨後書懷

畏俗久不出其如此意何鬢毛詩白盡山色雨青多曲  
偃行蛇草圓生浴鳥波與誰專一壑同和采芝歌

康湖山居

康湖環十里半世樂吟身白屋居寒士青山是故人松  
多天不暑瀑近地無塵頗得漁樵趣生涯日又新

別徐處士歸嚴州

浙水連天白輕帆帶雨飛榻懸高士去釣在故人歸秋

盡鴈初過江空魚正肥君如招伴隱我正欲相依

客中與里人言別

同是婺中人情親若弟兄客邊今識面詩上已聞名驛  
柳分春遠山花照晚明相逢即相別流水幾多情

旅懷

江湖為客久歸計與誰論春色草無路雨聲人閉門薄  
衣知酒暖病眼覺燈昏蜀水家邊景連宵役夢魂

江樓有見

睡起無忙事寒多不下樓櫓聲和鴈去江影照人愁  
碧雲初曉林紅葉正秋琴書無恙否我欲問歸舟

自述

索居三十載一硯鐵穿磨學淺非時用人生奈老何  
竹房來暝早花塢聚春多靜坐無餘事門前水自波

邨居

荒草無行路人家隔小溪雨多嵐氣重石少水聲低  
病鶴依松立寒雞傍砌啼近來渾嬾動靜處欲幽棲

亂中自述二首

汨汨兵猶競淒淒興莫賒  
嬌兒將學語穉子慣烹茶  
亂後添新鬼春歸發舊花  
十年湖海志羈思滿天涯

春夢猶為客題詩發興清  
風帘茅店酒晴日柳橋鶯  
親老頻歸覲時危未息兵  
況來招隱計擬問鹿門行

蜀墅頭

溪頭自舒散天澹夕陽微  
拂石松邊坐看雲水上飛  
舊磯雙鷺下小櫂一漁歸  
不覺吟成久苔痕濕上衣

雲門道中

三月山南路  
邛邛叫杜鵑  
白雲千嶂曉  
斜月一溪煙  
水冷長松井  
春香小薺田  
何時移別業  
來往繡湖邊

秋夜有感

苦吟人不寐  
中夜啟幽扉  
明月霜初下  
西風葉正稀  
家貧豚有子  
天冷客無衣  
感事忽如夢  
孤螢入我幃

寄友人宋邦彥

故人別後見尤難  
彼此詩盟尚未寒  
寧暇對牀論契濶

漫勞折簡報平安春山裂竹愁如海流水落花紅滿灘  
九十春光都過了諸君何以罄交歡

重遊光明寺

梵王宮闕倚崔嵬積翠繽紛圖畫開啼鳥避人穿樹去  
老僧迎客下山來栽詩石逕書青竹散髮雲林卧綠苔  
自識箇中幽興熟杖藜何惜重徘徊

送李子威之金陵

金陵自古帝王州策馬飄然作勝游一代衣冠新禮樂

六朝文物昔風流此時送別詩盈軸何處相思月滿樓  
若見潛溪宋夫子勿云江漢有扁舟

喜雨寄楊伯容

江城曉夜雨浪浪并作芳齋六月涼倚杖出門田父樂  
題詩呼酒野人狂不愁戰地多兵甲遂喜豐年足稻粱  
問訊草玄亭上客竹林疎簟夢秋光

秋莫會楊仲章

矮褐淒涼淹別館故人一見話綢繆溪頭水落魚龍夜

塞北雲深鼓角秋  
爛醉豈知猶是酒  
相逢誰為不封侯  
江湖明日重分手  
滿眼西風獨倚樓

贈術士呂公

短褐垂綸已十載  
柴扉簞簞即湖邊  
年來出處常存道  
身外功名嬾問天  
造次可無詩入聖  
相逢還有酒為賢  
虎頭燕頤君休論  
好向山陰買釣船

贈陳仲玉本學教諭致仕

聽雨芹池二十年  
如何一旦卷青氊  
陡令猿鶴生秋怨

高枕琴書且晝眠詩為嬾題閒木筆飯因不足羨苔錢  
石田茅屋華川曲從此挑燈繡佛前

清德晚歸

酒留詩戀意遲遲回到中塗已落暉小蹇引秋行落葉  
老漁隈冷坐危磯山間明月隨人出松外閒雲伴鶴歸  
試問夜深何處宿欲從山下扣禪扉

方學士招飲不赴

我在林間鹿與羣君為天上玉麒麟莫將綵樹燈前酒

來醉梅花月下人  
白屋不生三閣夢  
青山那識五陵春  
行吟每到看松處  
自有漁樵作主賓

秋江話別

別酒相傾別淚流  
江流亦不為君留  
片帆今夜人何處  
明月滿天誰共樓  
一鴈叫霜紅入葉  
十年為客白侵頭  
莫嫌歸計多蕭索  
三徑西風菊正秋

送張學諭歸三衢

穩泛靈槎訪斗牛  
未容歸伴赤松遊  
蓴鱸此去無千里

雞黍相期在幾秋  
澌水月寒梅入夢  
繡湖煙澹柳分愁  
春風莫問田園計  
須趁功名在黑頭

寄王照磨季耕

底事鄉心憶鏡湖  
一朝歸去伴樵漁  
傳家尚喜貧存硯  
教子尤勤老著書  
靜裏有時觀水坐  
閒來何處買山居  
門牆桃李應如舊  
添得春風柳五株

送東陽杜僉憲之河南

號尺  
五翁

玉堂學士草堂仙  
濟世英才間世賢  
憂國正操言事筆

移官又買載書船風搏渤澥三千水雲擁蓬萊尺五天  
更到鳳池春好處紫薇香暖御爐煙

夜泊蘭江

江山歷朗雪初融坐見宵分碧落空世景固知光霽少  
人生多在別離中影隨月下成三友春到梅邊第一風  
此夕此情聊復醉馬啼明日又西東

秋日山中

不記秋風幾日晴偶來林下見雲生野梧半脫無多影

山雉驚飛忽一聲短錫引船僧渡水小輿聯擔客歸城  
溪頭聽得漁翁說近日前邨酒價平

秋日客中

久客歸來靜閉門秋風落葉自紛紛夜來一暖做成雨  
早起滿溪流出雲山色祇疑閒裏看鴈聲那可客邊聞  
黃花開遍歸無計吟老秋光又幾分

富陽舟中

終日推蓬對酒杯漁郎隔浦櫂歌回路傍古屋無人住

山下疎梅獨自開  
幾處汀洲分鴈下  
滿江風雨送潮來  
白頭篙叟休相促  
明日天晴上釣臺

城中歸志喜

城郭多時得一歸  
小園幽館雅相宜  
種荷池暝便鷗睡  
儲粟甑空慮鶴飢  
兩屐苔痕人立處  
一軒秋影月來時  
靜中自得其中理  
此意無人會得知

曉發金華

一帶寒林古木齊  
濛濛山色亂雲迷  
沿邨問酒難尋店

隔岸呼舟欲渡溪夜雨草深蛙鼓鬧曉風花落子規啼  
可憐客路多岑寂何處垂楊駐馬蹄

邨舍

幾邨桑柘遠相連邨北邨南小渡船茅屋有緣臨水住  
閒身無事看山眠孤林欲莫鴉爭樹一雨及時人種田  
昨夜鄰翁喜相報今年依舊是豐年

山莊值歲莫

坐久那能笑口開篆煙燒盡石爐灰山厨度臘貧無肉

茅屋逢春富有梅凍鳥縮身依雪立  
饑驢直耳望人來  
窗前更展離騷讀消得茶甌當酒杯

春日過繡湖

湖上晴光麗物華行行幽興浩無涯  
林頭新店去沽酒  
門外小盆來賣花天氣可非三令節  
春風多在五侯家  
茅菴兀坐無餘事靜看遊蜂報午衙

望天台

日光紅處是天台萬壑千峰紫翠開  
滄海波濤時洶湧

瓊樓石室自崔嵬  
丹丘霞酒憑誰遣  
綠水胡麻安再來  
東望長歌搔短髮  
秋風滿抱一登臺

病後自吟

地僻柴門少客過  
寂寥生計奈愁何  
秋來得雨涼偏早  
病起緣詩瘦更多  
鶴立露枝黃墮葉  
鷗飛煙渚翠翻荷  
幾回夢入江湖櫂  
笑看雲山卧綠蓑

春日

今年春日殊無賴  
不逐黃衫伴遊學  
道十年心似醉

懷人一別歲如流  
殘山剩水塵凡隔  
瘴雨蠻煙日夜浮  
戰伐即今憐壯士  
功成誰擬覓封侯

舟中

短篷搖下雨長川  
山重寒雲樹重煙  
篷底筆牀相對坐  
有人看作米家船

秋夜

獨自歸來秋夜靜  
雨濕寒雲小窗暝  
竹爐無火客思茶  
隔樹人家有燈影

冬夜

獨坐夜深人讀易屋外雪明如月色松寒老鶴睡不成  
飛下窗前伴人立

春晴

曉風吹暖破陰雲草色湖光轉綠痕試看海棠枝上月  
定將花影到重門

遊赤松

枕石聽流夢未安碧雲蘿薜古祠寒夜深鸞鶴羣仙過

人在青松月下看

邨園

半畝邨園接水涯  
誅茅新構小書齋  
窗前不用栽花柳  
只對青山景自佳

春曉偶成

清晨睡起覺衣單  
亭館東風怕倚闌  
一夜好春吹作恨  
梨花寂寞雨鳩寒

幽興

閉門不出動十日雨後憑闌眼倍明萬樹飛花將欲盡  
一池春水漲浮萍

南窗

南窗不受北風寒筆硯供吟對景安最喜手攀檐外竹  
雪中尤勝作花看

子猷乘興圖

月照梅花雪點春小舟危坐醉中身一時為愛溪山去  
本是無心見故人

美人圖

綵雲宮殿月闌干  
翠袖春風倚暮寒  
馬上琵琶愁未已  
不須重展畫圖看

內人燒香圖

小院鈎簾拜月明  
暗將心語達微誠  
妾身不願承恩重  
願保君王樂太平

趙昌海棠圖

銀燭燒殘夢未回  
舊家庭院已荒苔  
玉簫聲杳人何處

惟有東風燕子來

徐熙牡丹圖


翠幄籠霞護曉寒  
無人凝笑倚闌干  
玉環去後千年恨  
留與東風作夢看

探梅

乘興扶藜過石橋  
地平不覺萬山高  
庭前一樹梅花白  
疑是春陰雪未消

幽興

燕子飛來近畫檐  
莫春時節雨纖纖  
杏花落盡無情緒  
何處人家有酒帘



元詩選二集卷二十三